



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CXCIX. Confirmatio Decreti Congregationis Rituum super approbatione
Sententiæ Episcopi Pisaurensis de casu excepto a Decretis Urbani VIII.
sive de Cultu immemorabili præstito B. Michelinæ Viduæ ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

Dat. die 1.
Aprilis 1737.
An. VII.

plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud Sanctam Mariam Majorem sub Anno Piscatoris die 1. Aprilis 1737. Pont. nostri Anno VII.

F. Card. Olyerius.

CXCVIII.

Indulgentias alias concessas pro visitantibus Ecclesias, seu Oratoria Missionariorum Capuccinorum Gallorum in partibus Infidelium existentium, etiam pro Animabus Christianidelium per modum Suffragii applicari posse benigne indulget.

C L E M E N S P P . X I I .

Ad perpetuam rei memoriam.

Indulgentias alias concessas.

S. I. Cum, sicut dilectus filius Cherubinus de Noves Ordinis Fratrum Minorum S. Francisci Capuccinorum nuncupatorum professor, ac dilectorum filiorum Missionariorum Gallorum, & Hybernorum ejusdem Ordinis in partibus Hæreticorum, & Infidelium existentium in Romana Curia Procurator nobis nuper exponi fecit alias Nos omnibus utriusque Sexus Christianidelibus vere penitentibus, & confessis, ac sacra Communione refectis, qui aliquam ex Ecclesiis, seu Oratoriis dictorum Fratrum Missionariorum, Mulieribus vero, quibus ad illas, seu illa liber non pateret accessus, seu ingressus, quæ aliam Ecclesiam, seu Oratorium Catholicorum earumdem partium a Custode, vel Præfecto Missionum hujusmodi designandum in festis diebus sub certis modo, & forma tunc expressis visitassent, & ibi pro Christianorum Principum concordia, hæresum extirpatione, ac S. Maris Ecclesiæ exaltatione pias ad Deum preces effudissent, quo die ex prædictis id egissent, plenariam omnium peccatorum suorum Indulgentiam, & remissionem misericorditer in Domino perpetuo concessimus, prout in nostris desuper in simili forma Brevis die 20. Maii 1735. Pontificatus nostri Anno V. expeditis literis plenius continetur.

Pro animabus Defunctorum applicari concedit.

S. 2. Cum autem, sicut eadem expositio subjungebat Christianifideles illas Indulgentias Christianidelium Defunctorum animabus per modum suffragii applicari posse plurimum desiderant, Nos hujusmodi supplicationibus inclinati, omnibus, & singulis Christianidelibus prædictis, ut Indulgentias plenarias iisdem diebus, quas de cetero consecuti fuerint, Christianidelium Defunctorum animabus, quæ Deo in charitate conjunctæ ab hac luce migraverint per modum suffragii applicare possint, & valeant, auctoritate Apostolica tenore præsentium ibidem perpetuo concedimus, & indulgemus in contrarium facien. non obstantibus quibuscumque.

Transumptis credi jubet.

S. 3. Volumus autem quod earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis eadem proflus fides adhibeatur, quæ adhiberetur ipsis præsentibus, si forent exhibitæ, vel ostensæ.

Dat. die 9.
Aprilis 1737.
An. VII.

Datum Romæ apud S. Mariam Majorem sub Anno Piscatoris die 9. Aprilis 1737. Pont. nostri Anno VII.

Confirmatio Decreti Congregationis Rituum super approbatione Sententiæ Episcopi Pisaurensis de casu excepto a Decretis Urbani VIII. sive de Cultu immemorabili præfatio B. Michelina Viduæ Pisaurensis Tertii Ordinis S. Francisci.

C L E M E N S P P . X I I .

Ad perpetuam rei memoriam.

Mulieres fortes, quæ præsertim opibus Sacculi, potentia Propinquorum, nobilitate originis, & juventute, ac pulchritudine decorate, amissis Maritis, & Filiis, & cunctis despectis, per gratiam Spiritus Sancti accinctæ robore, in Spiritu ambulantes, ad pedes advolunt Christi, quasi ipsam tenentes, elegerunt abjectas esse in Domo Dei, & per arduas Christianæ perfectionis semitas in odorem unguentorum Coelestis Sponsi alacres cucurrerunt, eo-majoribus in Catholica Ecclesia præconiis sunt condignæ, quo fortius sexus infirmitatem transgredientes, luculentioribus præstiterunt exemplis, ut ceteræ Mulieres earumdem vestigia sectantes, immarcescibilem gloriæ coronam in coelis cum ipsis accipere mererentur. Quamobrem Apostolicæ servitutis officium, quod inscrutabilis divinæ Sapientiæ, atque Bonitatis altitudo humilitati, tenuitque nostræ credere dignata est, ad spiritualem fidelium adificationem salubriter exequi, adspirante superni favoris auxilio, jugiter satagentes, Mulierum hujusmodi, quas non solum eximiarum Christianæ pietatis virtutum præsidio, sed etiam Signorum splendore insignes æternæ felicitatis participes fecit misericordiarum Pater, Cultum, & Venerationem in terris libenter promovemus, cum maxime accedentibus Virorum, & Regia Majestate, & Ecclesiastica dignitate, & Religionis virtute fulgentium votis, ad divini honoris decus, & militantis Ecclesiæ incrementum maximopere conducere conspiciamus.

S. 1. Cum itaque alias ad relationem Dilecti Filii nostri Vincentii Ludovici S. R. E. Presbyteri Cardinalis Gotti nuncupati commissio introductionis causæ Canonizationis B. Michelina Viduæ e Nobili Metellorum Gente Civitatis nostræ Pisaurensis Tertii Ordinis S. Francisci in Congregatione Venerabilium Fratrum nostrorum ejusdem S. R. E. Cardinalium Sacris Ritibus præpositorum habita die 11. Augusti anni 1736. proxime elapsi admittæ, & a nobis postmodum signata fuisset.

S. 2. Subinde vero instantibus Dilecto Filio nostro Fabio ejusdem S. R. E. Diacono Cardinali de Abbatibus Oliverio nuncupato, Secretario Brevium nostrorum Secretorum, & Dilecto Filio Vincentio de Comitibus Ordinis Minorum S. Francisci Conventualium etiam nuncupatorum Ministro Generali hujusmodi Causæ postulatore, processus in Curia Episcopali Pisaurensi super Cultu ab immemorabili tempore ipsi Beata præfatio, sive super casu excepto a decretis fel. rec. Urbani Papa VIII. Prædecessoris nostri auctoritate ordinaria formatus, in quo Ven. Frater Philippus Episcopus Pisaurensis Sententiam super prædicto Cultu protulerat, in eadem Congregatione Cardinalium examinatus, simulque a dicto Vincentio Ludovico Cardinale propositum fuisset Dubium: An Sententia prædicti Philippi Episcopi lata super casu excepto a decretis ipsius Urbani Prædecessoris, sive super Cultu publico ab immemorabili tempore dictæ Beata præfatio esset confirmanda in casu, & ad effectum, de quo agebatur. Et eadem Cardinalium Congr. resolutionem distulisset, atque interea mandasset fieri diligencias in Civitate prædicta Pisaurensi

CXCIX.

Procemium.

Introductio
Causæ Canonizationis B. Michelina Viduæ in Congregatione Rituum.

Processus institutus in Curia Pisaurensi: & latum Decretum super Cultu immemorabili.

pro perquisitione, ac transmissione cuiusdam Modi vivendi, Regulæ, & Capitulum dictæ Beatæ adscriptorum: atque hisce diligentis exploris, novissime delatus fuisset ad hanc Almam Urbem nostram parvus processus a præfato Episcopo Pisarense confectus, & idem Vincentius Ludovicus Cardinalis Gotti Ponens die 6. currentis Aprilis relationem fecisset omnium contentorum in dicto parvo processu, unde constitit, nihil fuisse repertum, & eadem Congregatio Cardinalium censuisset posse procedi ad ulteriora; Subindeque repropósito præfato Dubio super Confirmatione Sententiæ, matureque discussio processu informativo hac de re constructo, & tam in voce, quam in scriptis Dilecto Filio Magistro Ludovico de Valentibus in utraque Signatura nostra Referendario, nostro & Apostolicæ Sedis Notario Protonotario nuncupato supra numerum participantium, ac Fidei Promotore desuper audito: memorata Congregatio Cardinalium responsum edidit: Affirmative.

§. 3. Hinc est, quod Nos piis Charissimi in Christo Filii nostri Jacobi Magnæ Britannię Regis Illustris votis, & enixis dimissisque tam prædicti Fabii, quam aliorum etiam ipsius S. R. E. Cardinalium, & Venerabilium Fratrum Archiepiscopi, & Episcoporum Status nostri Urbinatensis, necnon præfati Vincentii Ministri Generalis precibus hac in re, quantum cum Domino possumus, favorabiliter annuere, eosque specialibus favoribus, & gratiis prosequi volentes; supplicationibus eorumdem nominibus nobis super hoc humiliter porrectis inclinati, Decretum a memorata Cardinalium Congregatione editum, ut præfertur, quod scilicet de casu excepto a Decretis prædicti Urbani Prædecessoris, sive de Cultu publico ab immemorabili tempore dictæ B. Michelinæ præstito constet, auctoritate Apostolica, tenore præsentium confirmamus, & approbamus, illique Apostolicæ firmitatis robur adjicimus; salva tamen semper in præmissis auctoritate memoratæ Congregationis Cardinalium.

§. 4. Decernentes eadem præsentibus literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & spectabit in futurum plenissime suffragari, & ab eis respectively inviolabiliter observari; Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 6. Volumus autem, ut ipsarum præsentium literarum transumptis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in iudicio, & extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 24. Aprilis 1737. Pont. nostri Anno VII.

F. Card. Oliverius.

Indulgentia Plenaria omnibus Christifidelibus, qui Orationi Quadrageima horarum in Ecclesiis Patrum Capuccinorum interfuerint.

CLEMENS PP. XII.

Ad futuram rei memoriam.

Ad ea, per quæ Christifidelium salus procuratur Animarum, libenter intendimus, eoque favore prosequimur opportuno.

§. 1. Cum itaque, sicut accepimus, dilecti filii Fratres Ordinis Minorum Sancti Francisci Capuccinorum nuncupatorum Oratione quadrageima horarum ad Animarum salutem augendam in Ultramontanis partibus in Ecclesiis Civitatum, & Locorum ubi ipsi Conventus habent, institueri soleant; Nos pium, & sanctum, necnon Deo acceptabile opus huiusmodi promovere cupientes, omnibus utriusque Sexus Christifidelibus vere poenitentibus, & confessis, ac Sacra Communionem refectis, qui Orationi quadrageima horarum huiusmodi continuatarum (non autem nisi noctis tempore interpolatarum) de licentia Ordinariorum locorum in quibuscumque Ecclesiis dictorum locorum semel in anno institueri per aliquod temporis spatium devote interfuerint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus.

§. 2. Omnibus vero, & singulis Confessariis ab Ordinariis locorum respective approbatis, qui in Ecclesiis prædictis occasione dictæ Orationis ad audiendas Confessiones deputati fuerint, omnes, & quoscumque utriusque Sexus Christifideles poenitentes ab omnibus quibuscumque in præteritum usque ad diem datæ præsentium commissis criminibus, & excessibus etiam nobis, & Apostolicæ Sedi reservatis, hæresis, simoniæ, ac duelli, & violationis clausuræ Monasteriorum Monialium, & recursus ad Judices laicos contra formam Sacrorum Canonum exceptis, necnon excommunicationis, aliisque sententiis, censuris, & poenis, etiam in literis die Cænæ Domini legi solitis contentis in præteritum similiter usque ad diem datæ præsentium incurris, imposita cuilibet arbitrio suo poenitentia salutari in foro conscientię tantum absolviendi facultatem, & auctoritatem pro prima vice tantum tenore præsentium concedimus, & impertimur.

§. 3. Non obstantibus Apostolicis, ac in Provincialibus, & Generalibus Conciliis editis generalibus, vel specialibus Constitutionibus, & Ordinationibus, ceterisque contrariis quibuscumque quoad Indulgentiæ huiusmodi concessionem ad septennium proximum tantum valiturus.

§. 4. Volumus autem, ut præsentium transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ seu Procuratoris Generalis dicti Ordinis munitis, eadem prorsus fides adhibeatur, quæ adhiberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die 22. Maii 1737. Pont. nostri Anno VII.

F. Card. Oliverius.

Probatum a Congregatione huiusmodi Decretum.

Confirmatum a Pontifice.

Clausula confirmatoria.

Derogatio contrariorum.

Fides Transumptis danda.

Dat. die 24. Aprilis 1737. An. VII.

Proceum.

Indulgentia de qua in Rubrica.

Facultates ad id concessæ Confessariis Capuccinis.

Obstantium derogatio.

Fides Transumptorum.

Dat. die 22. Maii 1737. An. VII.